



Agensi Kelayakan Malaysia
Malaysian Qualifications Agency

Tel : +603-7968 7044 | Faks : +603-7954 7125

Flexible Education. Beyond Borders. Creating The Future

KETUA PEGAWAI EKSEKUTIF

(Chief Executive Officer)

AGANSI KELAYAKAN MALAYSIA

(Malaysian Qualifications Agency)



www.mqa.gov.my



OFFICIAL : Agensi Kelayakan Malaysia (MQA)



MQA Malaysia (@MQAMalaysia)



MQA_Malaysia



NO GIFT POLICY

Ruj. Kami : MQA.100-1/7/2 Jilid 2 (5)

Tarikh : 14 Februari 2018

KEPADA SEMUA PEMBERI PENDIDIKAN TINGGI (PPT)

Tuan/Puan,

SURAT MAKLUMAN MQA BIL. 2/2018

PENGGANTIAN LATIHAN INDUSTRI (LI) DENGAN KOMPONEN LAIN KURIKULUM BAGI PELAJAR SEPARUH MASA

Dengan hormatnya saya diarah merujuk kepada perkara di atas dan keputusan Mesyuarat Kajian Semula Dasar-Dasar Berkaitan Jaminan Kualiti Kementerian Pendidikan Tinggi-Agensi Kelayakan Malaysia (KPT-MQA) Bil. 3/2017 bertarikh 25 November 2017.

2. Penetapan Latihan Industri (LI) sebagai komponen wajib bagi tujuan pengijazahan beberapa bidang pengajian dengan jelas dinyatakan dalam Dasar Latihan Industri Institusi Pengajian Tinggi yang dibangunkan oleh KPT pada tahun 2010.
3. Selain itu, LI juga merupakan sebahagian daripada komponen kurikulum yang diwajibkan dalam kebanyakan Standard Program yang dibangunkan oleh MQA.
4. Memandangkan ketetapan LI semasa bersifat umum tanpa mengambil kira status pelajar, maka keadaan ini menyebabkan kekangan bagi pelajar separuh masa untuk memenuhi keperluan tersebut.
5. Justeru, pihak MQA menyediakan panduan kepada PPT seperti dalam **Lampiran 1** bagi menjelaskan tentang penggantian LI dengan komponen lain pembelajaran mengambil kira kekangan pekerjaan bagi pelajar separuh masa.

6. Pihak MQA berharap agar PPT mengambil perhatian yang sewajarnya supaya urusan berkaitan LI dapat diuruskan dengan cekap bagi menjamin kelancaran pengendalian program pengajian.

Sekian, terima kasih.

“BERKHIDMAT UNTUK NEGARA”

Yang ikhlas,



(DATO' DR. RAHMAH BINTI MOHAMED)

E-mel: rahmah@mqa.gov.my

s.k.:

1. YBhg. Ketua Setiausaha
Pejabat Ketua Setiausaha
Kementerian Pendidikan Tinggi
Aras 17, No. 2, Menara 2
Jalan P5/6, Presint 5
62200 W.P. PUTRAJAYA
2. YBhg. Ketua Pengarah Pendidikan Tinggi
Jabatan Pendidikan Tinggi
Kementerian Pendidikan Tinggi
Aras 9, No. 2, Menara 2
Jalan P5/6, Presint 5
62200 W.P. PUTRAJAYA
3. YBhg. Ketua Pengarah
Jabatan Pendidikan Politeknik
Kementerian Pendidikan Tinggi
Aras 5, Galeria PjH, Jalan P4w
Persiaran Perdana, Presint 4
62100 W.P. PUTRAJAYA
4. YBhg. Ketua Pengarah
Jabatan Pendidikan Kolej Komuniti
Kementerian Pendidikan Tinggi
Aras 7, Galeria PjH, Jalan P4w
Persiaran Perdana, Presint 4
62100 W.P. PUTRAJAYA

5. SUSK YB Menteri Pendidikan Tinggi
Pejabat Menteri Pendidikan Tinggi
Kementerian Pendidikan Tinggi
Aras 18, No. 2, Menara 2
Jalan P5/6, Presint 5
62200 W.P. PUTRAJAYA
6. SUSK YB Timbalan Menteri Pendidikan Tinggi
Pejabat Timbalan Menteri Pendidikan Tinggi
Kementerian Pendidikan Tinggi
Aras 17, No. 2, Menara 2
Jalan P5/6, Presint 5
62200 W.P. PUTRAJAYA
7. Ketua Eksekutif
Perbadanan Tabung Pendidikan Tinggi Nasional (PTPTN)
Tingkat Bawah, Menara PTPTN
Blok D, Megan Avenue II
No.12, Jalan Yap Kwan Seng
50450 W.P. KUALA LUMPUR
8. Ketua Pegawai Eksekutif
Education Malaysia Global Services (EMGS)
Tingkat 20, Menara TA One
22 Jalan P Ramlee
50250 W.P. KUALA LUMPUR

PENGGANTIAN LATIHAN INDUSTRI DENGAN KOMPONEN LAIN KURIKULUM BAGI PELAJAR SEPARUH MASA

1.0 PENDAHULUAN

1.1 **Dasar Latihan Industri Institusi Pengajian Tinggi** yang dibangunkan oleh KPT pada tahun 2010 menetapkan bahawa Latihan Industri (LI) merupakan satu program latihan yang wajib bagi tujuan pengijazahan bagi bidang pengajian seperti berikut:

- a) Program profesional yang dikawal selia oleh badan profesional yang menganugerahkan akreditasi. Antaranya adalah:
 - i. Kejuruteraan;
 - ii. Seni Bina;
 - iii. Ukur Bahan;
 - iv. Penilaian;
 - v. Perakaunan; dan
 - vi. Undang-Undang.
- b) Program pengajian yang mewajibkan latihan klinikal mengikut keperluan badan profesional yang menganugerahkan akreditasi. Antaranya adalah:
 - i. Perubatan;
 - ii. Farmasi;
 - iii. Pergigian; dan
 - iv. Kejururawatan.
- c) Program pengajian bidang pendidikan – latihan mengajar/ praktikum.

1.2 Selain itu, beberapa **standard program** yang dibangunkan oleh MQA juga mewajibkan LI sebagai salah satu daripada komponen kurikulum. Antaranya adalah:

- a) Standard Program: Perakaunan;
- b) Standard Program: Hospitaliti dan Pelancongan;
- c) Standard Program: Pengajian Media dan Komunikasi;
- d) Standard Program: Bioteknologi;
- e) Standard Program: Kejuruteraan dan Teknologi Kejuruteraan;
- f) Standard Program: Multimedia Kreatif;
- g) Standard Program: Ukur Bangunan;
- h) Standard Program: Perubatan Tradisional dan Komplimentari;
- i) Standard Program: Sains Maklumat;

- j) Standard Program: Komputeran; dan
- k) Standard Program: Sains Perubatan dan Kesihatan.

- 1.3 Penetapan keperluan LI di atas tidak mengambil kira status pelajar sama ada sepenuh masa atau separuh masa. Ini bermakna, ketetapan tersebut turut terpakai bagi pelajar separuh masa.
- 1.4 Walau bagaimanapun, terdapat kekangan bagi pelajar separuh masa untuk mengikuti LI seperti yang ditetapkan dalam komponen kurikulum kerana kekangan pekerjaan sedia ada pelajar.

2.0 PENGGANTIAN LI

- 2.1. Bagi Standard Program yang menetapkan keperluan LI, pelajar separuh masa boleh dikecualikan daripada menjalani LI berdasarkan ketetapan berikut:

Bil.	Kategori	Ketetapan Penggantian LI
1.	Pelajar separuh masa yang sedang bekerja sekurang-kurangnya selama 5 tahun dalam bidang yang sama dengan bidang program yang diikuti dan terbukti mempunyai tahap kepakaran atau kemahiran yang setara dengan LI yang dijalankan.	<u>Pilihan 1</u> Pelajar menjalani LI di tempat kerja semasa. <u>Pilihan 2</u> Pelajar boleh menggantikan LI dengan Projek yang mana hasil pembelajaran, mekanisme, kriteria dan keperluan-keperluan lain adalah setara dengan LI. Pemberi Pendidikan Tinggi (PPT) boleh menambah komponen Projek selain LI dalam kurikulum program sebagai pilihan kepada pelajar. Sekiranya Projek telah ditawarkan dalam kurikulum semasa, pelajar boleh menggantikan LI dengan kombinasi kursus elektif yang berkaitan dengan bidang pengajian.
2.	Program badan profesional	Ketetapan adalah tertakluk kepada badan profesional yang berkaitan.

- 2.2 Penawaran Projek atau pengambilan kombinasi kursus elektif ini hendaklah mempunyai **nilai kredit yang sama** dengan LI.
- 2.3 Pelajar separuh masa yang sedang bekerja dalam **bidang yang berbeza** dengan bidang program yang diikuti **tidak boleh dikecualikan** daripada mengikuti LI kerana dikhuatiri akan berlaku kurang apresiasi terhadap ilmu dan pengalaman yang bakal diperoleh melalui LI.